

ინფორმაციული ტექნოლოგიები

ლელა წითაშვილი

პომაიზაციის მაჩვე ზემოქმედება ადამიანის ჯანმრთელობაზე

თანამედროვე მსოფლიო ინფორმაციული ინდუსტრიის მზარდი განვითარებით ხასიათდება. ადამიანის ყოველდღიურ ცხოვრებაში მყარად დამკვიდრდა ტელეფონი, რადიო, ტელევიზორი, კინო, ვიდეო, კომპიუტერი, გლობალური და ლოკალური საინფორმაციო ქსელები,

სტატისტიკის მიხედვით დაახლოებით 70%-ი მოქალაქეებისა მუშაობს ოფისის პირობებში...

განუზომდად დიდია კომპიუტერის როლი ჩვენს ყოველ-დღიურობაში. იგი ჩვენი ცხოვრების წესის განუყრელი თანამგზავრი გახდა. ამჯერად მინდა კომპიუტერის მეორე, ნაკლებად ცნობილი - უარყოფითი მხარე გიჩვენოთ...

კომპიუტერთან ხანგრძლივი მუშაობისას მხედველობის დატვირთვა იწვევს მხედველობის ფუნქციების გაუარესებას. თვალები მაღლ იდლება, ჩნდება სიმშრალის და ქვიშის, უცხო სექულის შეგრძება თვალებში, თვისის ტკივილები შებლის და საფეხლების მიდამოში, თვალების შეწითლება. გეცნობათ ეს სიმპტომები?

ეს არის კომპიუტერული სინდრომი, რომელიც აერთიანებს ორ ასპექტს, ესაა „მშრალი თვალის სინდრომი“ და „აკომოდაციის სპაზმი“. ხანგრძლივი, დაძაბული მხედველობითი მუშაობისას ახლო მანძილზე, ფიქსირებულ დისტანციაზე (რაც ხდება კომპიუტერის მონიტორთან მუშაობისას) მცირდება ქუთუთოების ხამხამის სიხშირე, რქოვანის ზედაპირი „გადაშრება“, საცრემლე აპერი ახლდება იშვიათად. შედეგად ჩნდება წვის, გასერვის, სიმშრალის, დისკომფორტის შეგრძება თვალებში - ეს არის პირველი გამოვლინება „მშრალი თვალის სინდრომისა“.

ამასთან, ხანგრძლივი დატვირთვა მხედველობის კუნთების აპარატისა იწვევს „აკომოდაციის სპაზმს“, რის შედეგადაც

ნელდება ან ჩერდება ნივთიერებათა ცვლა თვალის სტრუქტურებში.

სხვა შედეგები – ზოგისთვის უძილობა, ან თვლება, გადიზიანებულობა ან ცუდი განწყობა. გამოსხივება კანის გაუწყლოებასა და ნაადრევ ნაოჭებს წარმოშობს.

როგორ დავეხმაროთ თვალებს? პირველ რიგში, რაციონში უნდა ჩავრთოთ პროდუქტები, რომლებიც თვალის ბადურისა და სისხლძარღვების მდგომარეობას გააუმჯობესებს. მათ მიეკუთვნება: ლვილი, თინუსი, ოხრახუში, კამა, მწვანე ხახვი, სალათა, სტაფილო, ჰავი, მოცხარი, მოცვი, ასკილი, შტოში. კარგია წელიწადში ერთხელ თევზის ქონის კურსობით მიღება.

„მხედველობითი კომპიუტერული სინდრომის“ წარმოშობის მიზეზი სხვადასხვაგვარია. საქმე ისაა, რომ დისპლეის გამოსახულება მკვეთრად განსხვავდება თვალისთვის ჩვეული აღქმის ობიექტებისგან - ის ანათებს, შედგება დისკრეტული წერტილებისგან რომლებიც გარკვეული სიხშირით ქრება და ინთება. გარდა ამისა, არც ვერადი კომპიუტერული გამოსახულება შეესაბამება ბუნებრივ ვერებს. მაგრამ მხოლოდ ეს არ იწვევს მხედველობის სისტემის გადაღლას. კომპიუტერთან ხანგრძლივი მუშაობისას თვალს განტვირთვის საშუალება არ აქვს. ამის გამო თავისთავად იძახება მხედველობა და იკლებს მისი ქმედითუნარიანობა. თვალი ყველაზე დიდ დატვირთვას იღებს მაშინ, როცა ადამიანს კომპიუტერში ინფორმაცია შეეყავს. ასეთ შემთხვევაში პიროვნება იძულებულია სშირად გადაიტანოს მხერა ეკრანიდან ტექსტზე, ტექსტიდან - კლავიატურაზე, რომლებიც სხვადასხვა მანძილითაა ერთმანეთისგან დაშორებული და თავისთავად სხვადასხვა განათების ქვეშ იმყოფება.

1. კომპიუტერთან ჯდომისას თვალები ხშირად უნდა ახამხამოთ. სამუშაოს შემდეგ კარგია თვალებზე ჰავი ან მწვანე ჩაის, ან კიდევ გვირილის ნაყენის კომპრესი - თვალების გადიზიანების პროცესიდაქტიკისთვის ყოველ 2-3 საათში სპეციალური ვარჯიში გააკეთეთ. თვალები საათის ისრის მიმართულებით და საწინააღმდეგოდ 6 წამი ატრიალეთ. თავი უმოძრაოდ გეჭიროთ, აიხედეთ რაც შეიძლება მაღლა, შემდეგ დაბლა დაიხედეთ, მერე მარჯვნივ და მარცხნივ გაიხედეთ (<http://netgazeti.ge/GE/76/Life/6217/ganaTleba.htm.tpid>).

კომპიუტერთან ხანგრძლივი მუშაობის დროს განსაკუთრებული რისკის ზონაშია რამდენიმე მნიშვნელოვანი ორგანო და

სისტემა: ხერხებმალი, კუნთები, სახსრები. რაც უფრო მეტ ხანს ვწივარო კომპიუტერთან, მით მეტი დატვირთვა მოდის ხერხებლის, კისრისა და წელის განყოფილებაზე. ხერხებმალი მრუდ-დება, ხერგები და არტერიები იჭიმება, თითების, მაჯისა და წინამხრის სახსრები იძაბება. შედეგი: მუდმივი ტკივილი თავში, კისერსა და ზურგში. როდესაც სხეული ერთნაირ მდგომარეობაშია, სისხლის დინება ხელდება, სითხე გროვდება (განსაკუთრებით ფეხებსა და მცირე მენჯის ვენებში). კომპიუტერთან დიდხანს ჯდომისას სისხლძარღვები სისხლის დიდ მოცულობას ვერ უმკლავდება, მათი კადლები ფართოვდება, ხოლო სარქველები დახურვას ვედარ ახერხებს. ასე ვითარდება ვარიკოზი და ბუასილი.

ინტერნეტდამოყიდებულების კიდევ ერთი ნებატიური მხარე – საყრდენ-მამოძრავებელი სისტემის პრობლემები, ოსტეოქონდროზი, ზურგის ტკივილი, სქოლიოზი და სუტულოსტი. ესენი კი გამოწვეული არის ჯდომის ფორმისაგან, და მათი მკურნალობაც არც ისე ადგილია. ამ ავადმყოფობებს რომ გაგებულ, აფთიაქებში იყიდება სპეციალური ბანდაჟები, რომელიც ზურგს სწორ ფორმაში დააყენებს. ზურგის ტკივილს რომ თავი ავარიდოთ, კარგი საშუალებაა იოგით დაპავება ან ცურვა.

კიდევ ერთი შესაძლებელი ზიანი, რაც კომპიუტერმა შეიძლება ადამიანს მოუზანოს, ცხოვრების უმოძრაო წესია. დაბაბული ინტელექტუალური მუშობის დროს ტვინი სშირად ითხოვს ტკბილეულს და თუ კომპიუტერთან მუშაობისას ინტენსიურად იდებთ მას, ძალიან მალე ჭარბ წონასთან დაკავშირებით პრობლემები შეგექმნებათ.

უველა დამცავი მექანიზმის (ფილტრები მონიტორისთვის, მაგნე ტალდების დამჭერი) მიუხედავად, მომხმარებლის ელექტრომაგნიტური გამოსხივებისაგან სრულად უვნებელყოფა შეუძლებელია. ეს რით გვემუქრება? ელექტრომაგნიტური ველის ზემოქმედება უთანხმოებას იწვევს ენდოკრინული სისტემის მუშაობაში. სისხლში ადრენალინის გამოყოფა იზრდება და სისხლის შედედების პროცესი აქტიურდება. ამაზე გულ-სისხლძარღვთა სისტემა რეაგირებს: პულსი და არტერიული წნევა არამყარი ხდება.

გამოსხივება ზიანს აყენებს იმუნურ სისტემასაც. ორგანიზმს უკვე აღარ შეუძლია წინააღმდეგობა გაუწიოს ინფექ-

ციებისა და ვირუსების თავდასხმას. ელექტომაგნიტური ტალ-
ლები თავის ტვინის აქტივობაში ცვლილებებს იწვევს.

ბოლო ოცი წლის განმავლობაში იმგარი მოწყობილობების გამოყენება, რომელიც იყენებს ელექტროენერგიას, ათას-ჯერ გაიზარდა. დღეს ელექტრონიკა, რომლის გარეშეც ცხოვ-
რება ვერ წარმოგიდგნია, მთელი დღის განმავლობაში თან გვდევს, როგორც სამსახურში, ასევე დასვენებაზე. ტელევიზო-
რები, მიკროტალღოვანი ღუმელები, მობილური ტელეფონები,
კომპიუტერები, ერთის მხრივ, გვეხმარებიან, მაგრამ, ძერუეს
მხრივ, უხილავ საფრთხეს წარმოადგენენ ჩვენი ჯანმრთე-
ლობისთვის. ეს არის ელექტრომაგნიტური სმოგი, - ადამიანის
მიერ გამოგონებული იმ გამოსხივებების ერთობლიობა,
რომელსაც ელექტრომოწყობილობები და ტექნიკა ასხივებს.
სადღეისოდ, მთელს მსოფლიოში, ელექტრომაგნიტური ველე-
ბის ადამიანის ორგანიზმზე ზეგავლენას მოწინავე სამეცნიერო
ცენტრები იკვლევენ. მიღებულმა ფაქტებმა ჯანდაცვის მსოფ-
ლიო ორგანიზაცია აიდულა ედიარებინა ის საშიშროება, რაც
ადამიანის ჯანმრთელობას ემუქრება ელექტრომაგნიტური ვე-
ლებისგან. აი, ზოგიერთი მათგანი:

სტოკოლმის კაროლინის უნივერსიტეტის მეცნიერთა გამო-
კვლევებმა აჩვენა, რომ ბავშვები 15 წლის ასაკიდან 2,7-ჯერ
უფრო ხშირად ავადდებიან ლეიკემიით, თუ ისინი იმყოფებიან
მაგნიტურ ველში, რომელიც 0,2 მიკროტესლაზე მეტია. ხოლო
0,3 მიკროტესლაზე მეტი ელექტრომაგნიტური დასხივების შემ-
თხვევაში ასეთი დაავადებების რიცხვი მატულობს 3,8-ჯერ.
გამოკვლევათა შედეგები პროფესიულ დაავადებათა შევდეთის
ეროვნული ინსტიტუტის მეცნიერებმაც დაადასტურეს და
დაამტკიცეს, რომ ელექტროგადამცემი ხაზების ელექტრო-
მაგნიტური ველები იწვევს სისხლისა და თავის ტვინის კიბოს
მოზარდებსა და დიდებშიც.

ჯანდაცვის მსოფლიო ორგანიზაციის სტატისტიკური მონა-
ცემები აჩვენებს, რომ კომპიუტერთან მუშაობის დროს
ბავშვებში უარესდება მხედველობა წელიწადში 1 დიოპტრით.
10 წლის მოზარდში სისხლსა და შარდში ნეგატიური ცელი-
ლება ვლინდება კომპიუტერთან მუშაობის დაწყებიდან 15-20
წელში, 16 წლის მოზარდში 30-40 წელში, ხოლო მოზრდილ
ადამიანში 2 საათის შემდეგ და მისი სისხლი უახლოვდება
ონკოდაავადებულთა სისხლს. ამასთან, ნეგატიური ცვლილე-

ბები ხდება იმუნურ, ენდოკრინულ და ცენტრალურ ნერვულ სისტემებშიც.

კომპიუტერული ელექტრომაგნიტური გელების ძლიერ უარყოფითი ზეგავლენა აღნიშნულია მოზრდილ ადამიანთა (როგორც დადაკაცთა, ასევე მამაკაცთა) სასქესო ორგანოებზე. შვედმა მეცნიერებმა დაადგინეს, რომ ორსულ დედაპაცებს, რომლებიც კომპიუტერთან 1,5 საათზე მეტი წნით სხვდან, უფრო ხშირად წყდებათ მუცელი და 2,5-ჯერ მეტი რისკის ქვეშ იმყოფებიან, დაბადონ ბავშვები, რომელთაც დაზიანებული აქვთ ცენტრალური ნერვული სისტემა. ამ კატეგორიის ორსულთა შთამომავლობას უფრო ხშირად ემართება გულის მანკი. ამიტომაც, ორსულ ქალებს და დედებს, რომლებიც საკუთარი მკერდით ჰკვებავნ ახალშობილთ, კომპიუტერთან მუშაობა კატეგორიულად ეკრძალებათ.

არსებობს პირდაპირი კავშირი ავთვისებიან წარმონაქმნებთან იმ ადამიანებში, რომლებიც მუდმივად მუშაობენ ვიდეოდისპლეიან ტერმინალებთან, რადიოტელეფონებთან ან რადიოგადამცემებთან. ასე მაგალითოდ, ამერიკელ პოლიციელთა შორის დაფიქსირდა თავის ტვინის კიბოს მაღალი პროცენტი და ამის მიზეზი გახლდათ იმ რადიოგადამცემთა ელექტრომაგნიტური გელები, რომელთაც ისინი გამუდმებით იყენებენ.

მავნედ მიიჩნევა ელექტრომაგნიტური გელი, რომელიც აღმატება 0,2 მიკროტესლას. მობილური ტელეფონის ელექტრონული კვების ბატარეაში ამ ველის სიდიდე 6 მიკროტესლას შეადგენს (ე. ი. დასაშვებზე დაახლოებით 30-ჯერ მეტს), ელექტრომაგარებლებში - საშუალოდ 150 მიკროტესლას (750-ჯერ მეტი), ტროლეიბუსებსა და ტრანვალებში - 250 მიკროტესლას (1250-ჯერ მეტს), ხოლო მეტროს ვაგონში 35-450 მიკროტესლას (1750-2250-ჯერ მეტს)! ამიტომაც ელმავლების მემანქანეებს შორის პიკერტონია, გულის იშემიური დაავადებები და ორგანიზმის სხვა დარღვევები უფრო ხშირია, ვიდრე სხვა, უფრო ნაკლებად „დაძაბულ“ პროცესიებში.

ცალკე აღნიშვნის დირსია კომპიუტერული თამაშები. თითქმის უკელა კომპიუტერული თამაში ადამიანში სისასტიკეს აღვივებს, თუმცა კომპიუტერულ თამაშებთან დაკავშირებით არც იმის უარყოფა შეიძლება, რომ ისინი გარკვეული დოზით ნარკოტიკია. კომპიუტერიც ისეთსავე ფსიქოლოგიურ დამოკიდებულებას იწვევს, როგორსაც მაგალითად, ჰეროინი, ოღონდ იმ განსხვავებით, რომ კომპიუტერული თამაშები არ

იწვევს ფიზიკურ დამოკიდებულებას. ამიტომ მშობელმა აუცილებლად უნდა გააკონტროლოს, რომ ბავშვი ზედმეტად არ გაერთოს კომპიუტერულ თამაშებზე. კომპიუტერულ თამაშებს ბევრი უარყოფითი მხარე აქვს: იწვევს თავისა და მუცლის ტკივილს, უძილობას; უარყოფითად მოქმედებს ნერვულ სისტემაზე და იწვევს უმიზეზო აგრესიას; მოზარდი ნაწილობრივ კარგავს რეალურად აღჭმის უნარს და საკუთარ სამყაროში ცხოვრობს გამოგონილ პერსონაჟთა შორის.

მსოფლიოს მთელ რიგ განვითარებულ ქვეყნებში ამ პრობლემას სათანადო ყურადღებას უთმობენ; შექმნილია საეცილური დაწესებულებები, სადაც თამაშებ დამოკიდებულებს ფსიქოლოგები ეხმარებიან. ჩინეთში უკვე არსებობს საეცილური საზაფხულო ბანაკები თამაშებზე დამოკიდებულთა სამკურნალოდ. საქმე იქამდე მივიდა, რომ ჩინეთის ხელისუფლებამ აკრძალა ახალი ინტერნეტ კაფეების გახსნა და დაბწესა ასაკობრივი ზღვარი.

ვინც კომპიუტერთან ხშირად ატარებენ დროს, სისხლში ლეიკოციტების რაოდენობა ძლიერ დაწეული აქვთ, რაც ორგანიზმის დაცვითი ფუნქციის მკვეთრ დაქვეითებასა და დაავადებათა მიმართ წინააღმდეგობის უნარის მოსუსტებას ნიშნავს.

ნორვეგიაში მომხდარი ტერორისტული აქტის შემდეგ, ქვეყანაში მსგავსი ფაქტების წინააღმდეგ ბრძოლა იწყება. ბრძოლის ერთ-ერთი ფორმა კი, ძალადობის ამსახველი კომპიუტერული თამაშებისა და მულტიილმების გაყიდვიდან ამოღებაა. ნორვეგიული მაღაზიებიდან, ძალადობის ამსახველი კომპიუტერული თამაშები უკვე გაიწვიეს. ამის შესახებ გადაწვეტილება, ორმაგი ტერაქტის შემდეგ, რამდენიმე მსხვილი მაღაზიის აღმინისტრაციამ მიიღო. ეს კი იმით აიხსნება, რომ ტერაქტამდე ერთი წლით ადრე, ანდერს ბრეივიკი გარკვეულ „მასტერკლას“ სწორედ კომპიუტერული თამაშების საშუალებით გადიოდა. ტერაქტის შემდეგ ცნობილი გახდა, რომ გეიმერი განსაკუთრებით იყო გატაცებული *World of Warcraft*-თა და *Call of Duty 4: Modern Warfare*-თ. ამ ეტაპზე, ნორვეგიის მაღაზიების თაროებიდან 51 თამაში გაქრება. ექსპერტების თქმით, აღნიშნული თამაშები ძალადობას ასახავს, სიუქეტი საქმაოდ „სამაგალით“ შეიძლება აღმოჩნდეს გაუწონასწორებელი ფსიქიკის მქონე ადამიანებისთვის (სეფისკერაძე, <http://presa.ge> 2008.11.03).

კიდევ ერთი მავნე მოვლენა, რომელსაც კიდევ უფრო ამძაფრებს და ხელს უწყობს კომპიუტერი, არის აზარტული თამაშები, ინტერნეტ კაზინოები, როდესაც სახლიდან გაუსვლელად კომპიუტერის მეშვეობით შესაძლებელია საშიში „გართობა“. დოსტოევსკის გმირს რომანში „მოთამაშე“ მხოლოდ აზარტი კარნახობს ცხოვრების წესებს. აქვე შეიძლებოდა გაგვეხსენებინა შტეფან ცვაიგის ნოველის გმირიც, რომელიც ასევე აზარტული თამაშების ავადმყოფური გავლენის ქვეშა. ზოგიერთი მეცნიერი კომპიუტერულ თამაშებს „ბაგშვთა ნარკოტიკებს“ ადარებს.

2005 წელს მასაჩუსეტის ტექნოლოგიური ინსტიტუტის პროფესორმა, ნიკოლას ნეგროპონტემ შექმნა პროგრამა „ერთი ბაგშვი ერთი ლეპტოპი“, რომელიც „მესამე სამყაროს ბაგშვებს“ მოამარაგებდა მსოფლიოში ყველაზე იაფად (100\$) ე.წ. „საგანმანათლებლო“ ნოუთბუქებით, კოდური სახელწოდებით, XO-1, 2007 წელს აღნიშნული ნოუთბუქების პირველი თაობა მიიღეს ნიგერიის და ურუგვაის ბაგშვებმა. იგეგმება ყოველწლიურად 250000 ეგზემპლარის გაგზავნა სხვადასხვა დარიბი ქვეყნის მოსწავლეებისათვის (ეკონომიკური... 2010).

2011 წლიდან საქართველოში ყველა პირველკლასელს ე.წ. ნებუქები დაურიგდათ. ნებუქებს დამხმარე ხასიათი აქვს და მოსწავლეები მას სახელმძღვანელოებთან ერთად იყენებენ. კომპიუტერში ჩატვირთულია სასწავლო პროგრამები და სახელმძღვანელოები, ასევე კლასგარეშე ლიტერატურა.

თამაშის პრინციპით მიღებული ცოდნის ეფექტურობაზე მომავალი პირველკლასელების შემობლები არ დაობენ, თუმცა ისინი დალავან, რომ მუდმივად კომპიუტერზე მუშაობა ბაგშვსა და წიგნს შორის ისედაც არსებულ დისტანციას კიდევ უფრო გაზრდის.

გთავაზობთ მარინე მაჭავარიანის მოსაზრებას, რომელსაც პედაგოგიკის კურსი აშშ-ში აქვს გავლილი და აღნიშნულ თემაზე არაერთხელ გამოსულა მოხსენებით საზოგადოების წინაშე, მათ შორის პარლამენტის სხდომათა დარბაზშიც: ამჟრიკაში ჩატარებულმა კვალიფიციურმა გამოკვლევებმა შემაშფოთებელი სურათი გამოავლინა. ადრეულ ასაკში კომპიუტერის მოხმარება უარყოფითად აისახება ბაგშვის ჯანმრთელობაზე, ავერხებს ემოციურ და სოციალურ განვითარებას, იწვევს ფსიქიკურ აშლილობას. შეიძლება ანომალიურად

განვითარდეს ბავშვის ხერხემალი და კუნთოვანი აღნაგობა; დაუქმენითდეს მხედველობა; გაუნძრევლად ჯდომა იწვევს ჭარბწონიანობას, რაც შეიძლება მაღალი წნევის, გულის დაავადებებისა და ასთმის მიზეზი გახდეს, რომ აღარაფერი ვთქათ მეორე ტიპის დიაბეტზე, რომელიც განუკურნებელ დაავადებად მიიჩნევა. ამასთან, სულაც არ უწყობს ხელს ბავშვის ინტელექტუალურ განვითარებას და განათლების უკეთეს ხარისხს; კომპიუტერი რეალურ სამყაროს – ვირტუალურით, ხოლო დამოუკიდებელ აზროვნებას, კრეატიულობას, ახლის ძიების უნისა და აღმოჩენის სიხარულს სხვების მიერ ინტერნეტში ჩადებული მზამზარეული ინფორმაციით ცვლის. ამერიკელების აზრით, ამერიკას არასოდეს ჰყოლია ამგვარი „მჯდომარე თაობა“. აშშ-ის გარემოს დაცვის სააგენტომ უახლესი ტიპის კომპიუტერის პროგრამული უზრუნველყოფის ხელსაწყოს გამოსხივებაში აღმოაჩინა 21 ქიმიური ნივთიერება, რომლის აორთქლებასა და გაქრობას 144-დან 360 საათიამდე სჭირდება. ეს კი იმას ნიშნავს, რომ დღეში ორი საათიც რომ გაატაროს ბავშვმა ამგვარ კომპიუტერთან, მავნე ნივთიერებების გავლენის ქვეშ ხანგრძლივად მოექცევა.

იმაზე უნდა ვიზრუნოთ, როგორ გავხსნათ და გავაცოცხლოთ ის საუნჯე, ის ნიჭი, რომელიც თითოეულ ბავშვშია. მრავლისმეტყველია უურნალ „ფორბსის“ გამომცემლის სიტყვები, რომ მომავალში კომპიუტერი დაბაკთა ხვედრი იქნება, მდიდრები კი მასწავლებლებს დაიქირავებენ.

არც ერთი ჭკუათამყოფელი არ უარყოფს კომპიუტერის მნიშვნელობას თანამედროვე ადამიანისთვის და არავის მოუვა აზრად მისი გამოყენების აკრძალვა. საუბარია მხოლოდ იმაზე, თუ რომელი ასაკიდან არის მისი გამოყენება საზიანო და საფრთხის შემცველი (მაჭავარიანი, <http://www.kvirispalitra.ge/public/11489-mshoblebo-daibruneth-shvilebi.html>).

ჩვენ ვცხოვრობთ ეპოქაში, როცა უძრავი ინფორმაცია არის ხელმისაწვდომი და მათი წყაროების რაოდენობა იმდენად დიდია, როგორც არასდროს. ნაწილობრივ ეს კარგია, თუმცა, ძალიან ცუდი შედეგებიც ახლავს თან. ის აურაცხელი ინფორმაცია, რომელსაც ჩვენ ყოველდღიურად უამრავი განსხვავებული სახით ვდებულობთ, ჩვენს გონებაზე უარყოფითად აისახება და, რაც მთავარია, ეს პრობლემა უფრო და უფრო აქტუალური ხდება თანამედროვე მსოფლიოში. იმას, რასაც ყველა ინფორმაციულ გადატვირთვას უწოდებს, თურ-

ქეთის სადგოისმეტველო უნივერსიტეტის პროფესორებმა იაკუპ ჩეტინძა და ლი ფლამანდმა გონების დაბინძურება უწოდეს. მათ წიგნში „გონების დაბინძურება“ ეს აქტუალური პრობლემა სათანადოდ არის განხილული. ჩეტინისა და ფლამანდის აზრით, გონების დაბინძურება ინფორმაციული გადატვირთვის შედეგია, რომელსაც შემდგომში ისეთ პრობლემებამდე მოვყავართ, როგორებიცაა გონებრივი გამოფიტვა და მეხსიერების დაქვეითება (<http://ucnauri.com/174966>).

წიგნში ეს პრობლემა საქმაოდ დეტალურად არის განხილული, საუბარია მის ფსიქოლოგიურ ფაქტორებზე და გავლებულია პარალელები ძველ დროსთან. ჩეტინი და ფლამანდი ცდილობენ დაწვრილებით აღწერონ, თუ რატომ არის თანამედროვე ადამიანი ბევრად უფრო მიღრეკილი გონებრივი გამოფიტვისა და გულმავიწყობისკენ იმაზე უფრო მეტად, ვიდრე ეს ადრე იყო. წიგნის მიხედვით, როდესაც ადამიანს უჭირს რაიმე საგნის შესწავლა-ათვისება, ეს გონების დაბინძურების შედეგია. ბავშვი ზრდასრულ ადამიანზე უფრო სწრაფად ითვისებს სხვადასხვა საგნებს, რადგან მისი გონების დაბინძურების ხარისხი ბევრად უფრო დაბალია, ვიდრე მასზე ასაკით გაცილებით უფროსი ადამიანისა.

წიგნში ასევე მოცემულია ცნობილი თურქი პედაგოგის ფეტულა გიულენის მოსაზრებებიც. მისი აზრით, რაიმეს სწავლის პროცესი ბევრად უფრო მეტ დროს იკავებს ახლა, ვიდრე ადრე. გიულენი აღნიშნავს, რომ ძველ დროში ადამიანს შეიძლება დაეჩივლა, რომ ერთი გვერდის ერთხელ გადაკითხვის შემდეგ მას უშეცდომოდ ვერ გაიმეორებდა, ხოლო ახლა კი უამრავ ადამიანს პატარა ტექსტის დაზეპირება ოცჯერ წაითხვის შემდეგაც უჭირს.

ამასთან დაკავშირებით წიგნში იტალიული კარდინალის ჯუზეპე მეცოფანტის (XVIII-XIX სს.) მაგალითია მოყვანილი. ცნობილია, რომ ეს უკანასკნელი 38 ენას ფლობდა. ამის მიხეზად კი ისევ და ისევ გონებრივი დაბინძურების დაბალი ხარისხია, რადგანაც ჯუზეპე მეცოფანტის თითქმის მთელი ცხოვრება მოხასტერში პქონდა გატარებული

მომავალში ადამიანის გონების დაბინძურების დონე იმდენად მაღალი იქნება, რომ მას ძალიან გაუჭირდება ელემენტარული ინფორმაციის სათანადოდ აღქმაც კი. გულმავიწყობის ფენომენი კი უფრო და უფრო აქტუალური გახდება მთელ მსოფლიოში.

ლიტერატურა:

<http://netgazeti.ge/GE/76/Life/6217/ganaTleba.htm.tpid>
სეფისკვერაძე, 2008 - ლევან სეფისკვერაძე, კომპიუტერის ზე-
მოქმედება ჯანმრთელობაზე, <http://presa.ge> 2008.11.03.
ეკონომიკური ინფორმაცია, ობ., 2010.
მარინე მაჭავარიანი, ფილოსოფიის მეცნიერებათა კანდიდატი,
ყოფილი არასამთავრობო ორგანიზაციის “აღზრდის ინსტიტუტი”
დამფუძნებელი და ხელმძღვანელი <http://www.kvirispalitra.ge/public/11489-msholebo-daibruneth-shvilebi.html>
<http://ucnauri.com/17496> / გონების დაბინძურება/.

Lela Tsitashvili

COMPUTER'S ADVERSE EFFECTS ON HUMAN BEINGS

Summary

The article deals with the adverse effects of a computer on man's health. In spite of its huge positive role in our everyday life, its incorrect usage harms us especially children and adults' physical and spiritual conditions.

The aim of the article is to give a complete information about the sorrowful results of using computers for a long time and the necessity of reducing its negative results.